



Broj: 01-106/21
Vareš, 31.05. 2021. godine

Z A P I S N I K
sa 4. sjednice Općinskog vijeća Vareš,
održane 29.04. 2021. godine

Predsjedavajuća OV pozdravila je sve prisutne.

Izvršena je prozivka vijećnika.

Prisutni vijećnici: Mirnes Ajanović, Sahudina Beganović, Nurdin Begović, Maja Berberović, Mahira Brkić, Amela Brkić, Asmir Čizmo, Dario Dodik, Zdenko Franjić, Nazif Hajrić, Igor Hinger, Šaban Ibrišimović, Emir Islamović, Salih Memić, Mario Mirčić, Nedžad Mušanović, Malik Rizvanović, Nikola Šimić i Edib Zubača.

Odsutni: Nema.

Mahira Brkić – predsjedavajuća Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajuća OV otvorila je 4. sjednicu s početkom u 14,00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnici načelnika – gosp. Ermin Musa, i gosp. Čedomir Jelić i ispred Službe za prostorno uređenje – gosp. Adaleta Pezo.

Sekretar OV Leon Pavlović izvijestio je Vijeće da je na 3. sjednici OV održanoj 31.03.2021. godine, Vijeće donijelo tri (3) zaključaka. Dva (2) zaključka su realizovana a jedan (1) zaključak je u toku realizacije. Postavljeno je jedanaest (11) vijećničkih pitanja. Na sva pitanja nadležni su dostavili podnosiocima pisani odgovor a neka pitanja su prosljeđena višim organima vlasti na izjašnjavaње.

Općinski načelnik pod aktuelnim pitanjima nije imao obraćanje.

(Izjašnjavaње vijećnika o dobivenom odgovoru)

-Igor Hinger - odgovor koji je dobio štur je i o tome je dao pojašnjenje. Traži blagovremeno dostavljanje odgovora.
Predsjedavajuća OV podsjetila je prisutne da je rok za dostavu odgovora 30 dana.

-Dario Dodik - traži dopunu odgovora u vezi postavljenog pitanja na prošloj sjednici kada se Općina Vareš zadnji put (prije postavljanja ovog pitanja) obraćala Ministarstvu za prostorno uređenje, promet i komunikacije i zaštitu okoline Zeničko - dobojskog kantona sa zahtjevom za nastavak asfaltiranja putne

komunikacije Vijaka-Podkamensko odnosno Regionalnog puta R-444? O istom je dao pojašnjenje.

-Amela Brkić - podsjetila je na svoje pitanje koje se odnosilo na uspostavljanje autobuske linije Vareš-Zenica.

(Vijećnička pitanja)

Salih Memić

1. Kada će se izvršiti sanacija klizišta na području podružnica Luke i Pomenići koje su u sastavu MZ Dabravine?

Na navedeno pitanje tražim pismeni i usmeni odgovor.

Pitanje je postavljeno Općinskoj službi.

Maja Berberović

Inicijativa 1. Postavljam inicijativu za postavljanje kamera za video nadzor na području općine Vareš u suradnji sa Ministarstvom unutrašnjih poslova Zeničko - dobojskog kantona i Vladom Zeničko - dobojskog kantona.

Inicijativa 2. Ako postoji mogućnost da mi kao OV Vareš podnesemo inicijativu za sanaciju regionalnog puta R-444. Da se uputi Ministarstvu prostornog uređenja, prometa i komunikacija zahtjev, da se u neke naredne 4 god., u 4 etape izvrši sanacija cjelokupne regionalne ceste. Da napravimo Zaključak i da se uputi prema Ministarstvu.

Nurdin Begović

2. Da li je u posljednje (4) godine urađena revizija poljoprivrednih poticaja dodijeljenih od strane Općine Vareš fizičkim ili pravnim licima? Ukoliko je odgovor negativan, zašto to u navedenom vremenskom intervalu nije urađeno?
3. Koja fizička i pravna lica, koliko i po kojem osnovu duguju Općini Vareš?

Šaban Ibrišimović

4. Kada će nadležna općinska komisija, konačno izaći na lokalnu cestu Luke- Dragovići- Mijakovići, da ustanovi nivo devastacije ove ceste i predložiti mjere i aktivnosti na sanaciji iste na najugroženijim dionicama koje prijete totalno zaustavljanje odvijanja saobraćaja na ovoj lokalnoj cesti?
5. Kada će nadležna općinska služba Civilne zaštite pristupiti izradi, nove procjene ugroženosti naselja Kolakovići u podružnici Mijakovići od poplave, kao historijski poznatog HAZARDA na ovom području?

Zdenko Franjić

6. Pitanje postavljam u ime grupe mladih aktivista, koji se bave iscrtavanjem grafita po zidovima. Da li bi mogli dobiti odobrenje od nadležne službe za iscrtavanje slika? Zainteresovani su npr. za zid na Kapiji i tome slično, gdje bi im odobrila nadležna služba.

Asmir Čizmo

Inicijativa 3. Postavljanje „saobraćajnog ogledala“ u Vareš Majdanu na raskrsnici gdje se uključuje lokalni put naselja Šijakovo, Stupni Do i Mir na regionalnu cestu R-444.

Dario Dodik

Inicijativa 4. Predlažem da se mala površina iza kontejnera na izlazu iz ulice Put mira prema ulici Zvijezda, pretvori u parking prostor.

Nedžad Mušanović

7. Pitanje postavljam načelniku. Da li Općina može na neki način pomoći da riješimo udarne rupe na asfaltu na relaciji Šimin potok – Ravne –Zubeta?

Predsjedavajuća OV stavila je na raspravu Zapisnik sa 3. sjednice OV.

Nije bilo primjedbi i predsjedavajuća OV stavila je na izjašnjanje Zapisnik sa 3. sjednice OV i nakon izjašnjanja vijećnika konstatuje da je **jednoglasno sa (19 glasova „ZA“) usvojen Zapisnik sa 3. sjednice OV.**

Predsjedavajuća OV stavila je na raspravu prijedlog dnevnog reda za 4. sjednicu OV koji je usaglašen na Kolegiju Općinskog vijeća.

Pomoćnik načelnika gosp. Ermin Musa ispred ovlaštenog predlagača, uz dato pojašnjenje predložio je dopunu dnevnog reda sa tačkom 1. -„*Prijedlog Odluke o davanju saglasnosti za izgradnju školskog objekta osnovne škole u mjesnoj zajednici Kokošćići, na k.č. 1629/3 KO Striježevo*“.

Nije više bilo učesnika u raspravi i predsjedavajuća OV stavila je na izjašnjanje prijedlog dnevnog reda 4. sjednice OV sa dopunom i nakon izjašnjanja vijećnika konstatuje da je **jednoglasno (sa 19 glasova „ZA“) usvojen sljedeći**

Dnevni red

1. Prijedlog Odluke o davanju saglasnosti za izgradnju školskog objekta osnovne škole u mjesnoj zajednici Kokošćići, na k.č. 1629/3 KO Striježevo.
Izjavitelj: Ermin Musa.
2. Prijedlog Odluke o raspodjeli sredstava za političke stranke i nezavisnog vijećnika u Općinskom vijeću Vareš iz budžeta Općine Vareš za 2021. godinu.
Izjavitelj: Sekretar OV
3. Prijedlog Odluke o odgađanju izbora za članove savjeta mjesnih zajednica na području općine Vareš.
Izjavitelj: Čedomir Jelić
4. Prijedlog Rješenja o razrješenju i imenovanju člana Općinske izborne komisije Općine Vareš.
Izjavitelj: Sekretar OV
5. Prijedlog Zaključka o davanju saglasnosti Općinskom načelniku na Godišnji plan potencijalnih projekata po modelu javno-privatnog partnerstva na području općine Vareš, broj: 01-851/21 od 13.04. 2021. godine i Srednjoročni plan potencijalnih projekata po modelu javno-privatnog partnerstva na području općine Vareš, broj: 01-850/21 od 13.04. 2021. godine.
Izjavitelj: Rusmir Berberović
6. Prijedlog Zaključka o izmjeni Zaključka Općinskog vijeća broj: 01-43/21 od 25.02. 2021. godine.
Izjavitelj: Ermin Musa
7. Izveštaj o provođenju Odluke o komunalnom redu Općine Vareš u 2020. godini.
Izjavitelj: Ermin Musa
8. Aktivnosti na implementaciji Strategije razvoja poljoprivredne proizvodnje na području općine Vareš za period 2019-2024. godine, za 2020. godinu.
Izjavitelj: Dragan Orozović
9. Izveštaj Komisije za procjenu prometne vrijednosti nekretnina za 2020. godinu.
Izjavitelj: Adaleta Pezo
10. Informacija o provođenju godišnjeg i srednjoročnog plana potencijalnih projekata po modelu javno-privatno partnerstvo na području Općine Vareš.
Izjavitelj: Rusmir Berberović
11. Informacija o provedenim aktivnostima u jačanju turističkih potencijala na području općine Vareš.
Izjavitelj: Rusmir Berberović
12. Informacija o ostvarenoj saradnji i realizovanim projektima NVO sektora sa područja općine Vareš sa posebnim osvrtom na rad udruženja iz oblasti kulture i sporta u 2020. godini.
Izjavitelj: Čedomir Jelić

13. Informacija o zimskom održavanju lokalnih i regionalnih puteva i gradskih ulica.
Izvjestilac: Ermin Musa

14. Tekuća pitanja.

Ad. 1.

(Prijedlog Odluke o davanju saglasnosti za izgradnju školskog objekta osnovne škole u mjesnoj zajednici Kokošćići, na k.č. 1629/3 KO, Striježevo.)

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Odluke o davanju saglasnosti za izgradnju školskog objekta osnovne škole u mjesnoj zajednici Kokošćići, na k.č. 1629/3 KO, Striježevo.

Nakon izjašnjavanja vijećnika predsjedavajuća OV konstatuje da **je jednoglasno (sa 18 glasova „ZA“)** (odsutan vijećnik Dodik Dario) **usvojena**

Odluka o davanju saglasnosti za izgradnju školskog objekta osnovne škole u mjesnoj zajednici Kokošćići, na k.č. 1629/3 KO, Striježevo.

Ad. 2.

(Prijedlog Odluke o raspodjeli sredstava za političke stranke i nezavisnog vijećnika u Općinskom vijeću Vareš iz budžeta Općine Vareš za 2021. godinu.)

Komisija za statutarna pitanja i propise na 2. sjednici održanoj 20.04.2021. godine donijela je sljedeći Zaključak:

Komisija nema primjedbi na Prijedlog Odluke o raspodjeli sredstava za političke stranke i nezavisnog vijećnika u Općinskom vijeću Vareš iz budžeta Općine Vareš za 2021. godine i Prijedlog Odluke upućuje se Vijeću na razmatranje i usvajanje.

Sekretar OV dao je dodatno pojašnjenje za ovu tačku dnevnog reda.

Otvorena je rasprava u kojoj su svoja mišljenja, pitanja i prijedloge iznijeli vijećnici: Dario Dodik (uz dato pojašnjenje predložio da se planirani novac za političke stranke i nezavisnog vijećnika preusmjere u sanaciju mosta kod pijace), Mahira Brkić, Maja Berberović, Mirnes Ajanović, Emir Islamović, Općinski načelnik, Leon Pavlović (izjavio je da je donošenje ove odluke zakonska obaveza i da se ona treba usvojiti a da se o prijedlogu vijećnika, kao što su to izjavili Općinski načelnik i predsjedavajuća OV, može raspravljati pod tekućim pitanjima kako bi se došlo do eventualnog rješenja.

Zaključena je rasprava i predsjedavajuća OV stavila je na izjašnjavanje Prijedlog Odluke o raspodjeli sredstava za političke stranke i nezavisnog vijećnika u općinskom vijeću Vareš iz budžeta Općine Vareš za 2021. godinu.

Nakon izjašnjavanja vijećnika predsjedavajuća OV konstatuje da je **jednoglasno (sa 19 glasova „ZA“)** usvojena

Odluka o raspodjeli sredstava za političke stranke i nezavisnog vijećnika u Općinskom vijeću Vareš iz budžeta Općine Vareš za 2021. godinu.

Ad.3.

(Prijedlog Odluke o odgađanju izbora za članove savjeta mjesnih zajednica na području općine Vareš.)

Komisija za statutarna pitanja i propise na 2. sjednici održanoj 20.04.2021. godine donijela je sljedeći Zaključak:

Komisija nema primjedbi na Prijedlog Odluke o odgađanju izbora za članove savjeta mjesnih zajednica na području općine Vareš i Prijedlog Odluke upućuje se Vijeću na razmatranje i usvajanje.

Ispred predlagača pomoćnik načelnika Čedomir Jelić dao je dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Odluke o odgađanju izbora za članove savjeta mjesnih zajednica na području općine Vareš.

Nakon izjašnjavanja vijećnika predsjedavajuća OV konstatuje da je **sa 18 glasova „ZA“ i 1 „SUZDRŽANIM“ glasom usvojena**

Odluku o odgađanju izbora za članove savjeta mjesnih zajednica na području općine Vareš.

Ad.4.

(Prijedlog Rješenja o razrješenju i imenovanju člana Općinske izborne komisije Općine Vareš.)

Sekretar OV dao je dodatno pojašnjenje za ovu tačku dnevnog reda.

Predsjedavajuća OV uputila je sugestiju da se za ovakve slučajeve prave dva rješenja.

Nije bilo rasprave i predsjedavajuća OV stavila je na izjašnjavanje Prijedlog Rješenja o razrješenju i imenovanju člana Općinske izborne komisije Općine Vareš.

Nakon izjašnjavanja vijećnika predsjedavajuća OV konstatuje da **je jednoglasno (sa 19 glasova „ZA“)** usvojeno

Rješenje o razrješenju i imenovanju člana Općinske izborne komisije Općine Vareš.

Ad.5.

(Prijedlog Zaključka o davanju saglasnosti Općinskom načelniku na Godišnji plan potencijalnih projekata po modelu javno-privatnog partnerstva na području općine Vareš, broj: 01-851/21 od 13.04. 2021. godine i Srednjoročni plan potencijalnih projekata po modelu javno-privatnog partnerstva na području općine Vareš, broj: 01-850/21 od 13.04. 2021. godine.

Predlagač nije imao pojašnjenje za ovu tačku dnevnog reda.

Otvorena je rasprava u kojoj su svoja mišljenja i pitanja iznijeli vijećnici: Nurdin Begović, Igor Hinger, Sahudina Beganović, Dario Dodik, Amela Brkić, rukovodilac JURA Rusmir Berberović (dao je dodatno pojašnjenje vezano za određene projekte i odgovorio na pitanje vijećnika Hinger Igora i Dodik Daria u vezi objekta „Stacionar“ i eventualne izgradnje staračkog doma) i pomoćnik načelnika Ermin Musa (dao odgovor na postavljeno pitanje vijećnice Amele Brkić u vezi vlasništva zemljišta na kojem se nalazi Rudnik željezne rude Vareš).

Zaključena je rasprava i predsjedavajuća OV stavila je na izjašnjavanje Prijedlog Zaključka o davanju saglasnosti Općinskom načelniku na Godišnji plan potencijalnih projekata po modelu javno-privatnog partnerstva na području općine Vareš, broj: 01-851/21 od 13.04. 2021. godine i Srednjoročni plan potencijalnih projekata po modelu javno-privatnog partnerstva na području općine Vareš, broj: 01-850/21 od 13.04. 2021. godine.

Nakon izjašnjavanja vijećnika predsjedavajuća OV konstatuje da je **jednoglasno (sa 19 glasova „ZA“)** usvojen

Zaključak o davanju saglasnosti Općinskom načelniku na Godišnji plan potencijalnih projekata po modelu javno-privatnog partnerstva na području općine Vareš, broj: 01-851/21 od 13.04. 2021. godine i Srednjoročni plan potencijalnih projekata po modelu javno-privatnog partnerstva na području općine Vareš, broj: 01-850/21 od 13.04. 2021. godine.

Ad.6.

(Prijedlog Zaključka o izmjeni Zaključka Općinskog vijeća, broj:01-43/21 od 25.02.2021. godine.)

Ispred predlagača pomoćnik načelnika Ermin Musa dao je dodatno pojašnjenje za ovu tačku dnevnog reda, provedenim aktivnostima sa predstavnicima JKP d.o.o. Vareš i izvijestio OV o štamparskoj greški (unesene pogrešne koordinate prilikom prepisivanja) i upoznao vijećnike sa izmjenom u tački II koja glasi „U tački II stav 1. alineja 4. mijenja se i glasi: „u blizini predmetne lokacije postoje izvorišta „Saški potok“ i „Jarčiči“ koji su dio gradskog vodovoda i koriste se za snabdijevanje grada, te je potrebno posebnu pažnju posvetiti njihovoj zaštiti od eventualnog zagađenja i devastacije, te uz ove uslove sa aspekta sanitarne zaštite izvorišta nema smetnji za dodjelu koncesije za predmetni lokalitet“.

Otvorena je rasprava u kojoj su učestvovali vijećnici: Mahira Brkić, Dario Dodik, Emir Islamović i Mario Mirčić.

Zaključena je rasprava i predsjedavajuća OV stavila je na izjašnjavanje Prijedlog Zaključka o izmjeni Zaključka Općinskog vijeća, broj: 01-43/21 od 25.02.2021. godine.

Nakon izjašnjavanja vijećnika predsjedavajuća OV konstatuje da je sa **12 glasova „ZA“, 1 glasom „PROTIV“ i 6 „SUZDRŽANIH“ glasova usvojen**

***Zaključak o izmjenama Zaključka Općinskog vijeća
Vareš, broj. 01- 43/21 od 25.02.2021. godine.***

Ad.7.

*(Izveštaj o provođenju Odluke o komunalnog
redu u Općini Vareš u 2020. godini.)*

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su svoja mišljenja, stavove, primjedbe i pitanja iznijeli vijećnici: Nurdin Begović, Dodik Dario, Amela Brkić, Sahudina Beganović, Općinski načelnik Zdravko Marošević (koji je iznio svoje mišljenje o pojedinim diskusijama i primjedbama vijećnika iznesenim u raspravi u vezi zimskog održavanja puteva i gradske čistoće, a koje su vijećnici iznijeli u svoje ime i u ime pojedinih građana. Izjavio je da će zamoliti Radio Bobovac da organizira emisiju u kojoj bi građani iznijeli svoja mišljenja o ovoj problematici), Dario Dodik (replika) i Maja Berberović.

Zaključena je rasprava i predsjedavajuća OV stavila je na izjašnjavanje Izveštaj o provođenju Odluke o komunalnom redu Općine Vareš u 2020. godini.

Nakon izjašnjavanja vijećnika predsjedavajuća OV konstatuje da je sa **10 glasova „ZA“, 8 „SUZDRŽANIH“ glasova i 1 glasom „PROTIV“ usvojen**

***Izveštaj o provođenju Odluke o komunalnom
redu u Općini Vareš u 2020. godini.***

Ad.8.

*(Informaciju o aktivnostima na implementaciji Strategije razvoja poljoprivredne
proizvodnje na području općine Vareš za period 2019-2024. godine, za 2020. godinu.)*

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj je učestvovao vijećnik Salih Memić koji je sugerisao da su se u Informaciju trebali unijeti podaci o povećanju zasada, tabelarni prikaz ostvarenog doprinosa po mjesnim zajednicama, stepen uvećanja proizvodnje žita, proizvodnje povrća na otvorenom i sl.

Zaključena je rasprava i predsjedavajuća OV uz datu sugestiju da se uvažavaju sugestije vijećnika u raspravi konstatuje uz **Zaključak da je Vijeće primilo k znanju**

***Informaciju o aktivnostima Strategije razvoja poljoprivredne proizvodnje na
području općine Vareš za period 2019-2024. godine, za 2020. godinu.***

Ad.9.

(Izveštaj Komisije za procjenu prometne vrijednosti nekretnina za 2020. godinu.)

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavaње Izveštaj Komisije za procjenu prometne vrijednosti nekretnina za 2020. godinu.

Nakon izjašnjavaња vijećnika predsjedavajuća OV konstatuje da je **jednoglasno (sa 17 glasova „ZA“)** (odsutni vijećnici Maja Berberović i Emir Islamović) **usvojen**

Izveštaj Komisije za procjenu prometne vrijednosti nekretnina za 2020. godinu.

Ad.10.

(Informacija o provođenju godišnjeg i srednjoročnog plana potencijalnih projekata po modelu javno-privatno partnerstvo na području općine Vareš za 2020. godinu.)

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su svoja mišljenja, primjedbe i pitanja iznijeli vijećnici: Nurdin Begović, Dodok Dario, Mahira Brkić (dala pojašnjenje na diskusiju vijećnika Daria Dodik u vezi prodaje SRC Doli, odnosno inventara koji je u vlasništvu Šumarstva), Općinski načelnik Zdravko Marošević, Dodik Dario (replika) i Općinski načelnik (replika).

Predsjedavajuća OV zaključila je raspravu.

Predsjedavajuća OV konstatira uz **Zaključak da je vijeće primilo k znanju**

Informaciju o provođenju godišnjeg i srednjoročnog plana potencijalnih projekata po modelu javno-privatno partnerstvo na području općine Vareš za 2020. godinu.

Predsjedavajuća OV sugerisala je prisutnima na međusobno poštivanje i poštivanje reda na sjednici i izjavila ukoliko se ponovo upotrijebe nedolične riječi i slično, prekinut će sjednicu.

Vijećnik Dodik Dario uz dato pojašnjenje traži jednako postupanje prema svima i odgovor na pitanje po Poslovniku o radu OV koliko puta Općinski načelnik može učestvovati u raspravama i replikama.

Predsjedavajuća OV dala je pojašnjenje i odgovor na postavljeno pitanje.

Predsjedavajuća OV dala je pauzu u trajanju od 10 minuta.

Prije nastavka rada današnje sjednice predsjedavajuća OV podsjetila je prisutne na član 69. Poslovnika o radu OV koji glasi: „(1) *Rasprava o pojedinim tačkama dnevnog reda ograničena je, i to:*

a) za predsjednike klubova 15 minuta, kada se prvi puta javljaju, a svako naredno javljanje po istom pitanju može trajati najduže 3 minute,

b) vijećnici i drugi učesnici na sjednici mogu po jednoj tački dnevnog reda diskutovati samo jedanput i to do 10 minuta,

c) predstavnici radnih tijela mogu diskutovati jedanput do 5 minuta,

d) trajanje izlaganja i rasprave predlagača akta nije ograničeno.

(2) Vijećnik, odnosno učesnik u raspravi ima pravo na repliku, s tim da replika može trajati najviše 3 minute i može se koristiti najviše dva (2) puta za jednu tačku dnevnog reda, uključujući u to i repliku na repliku.“

Ad.11.

(Informacija o provedenim aktivnostima u jačanju turističkih potencijala na području općine Vareš.)

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici Nurdin Begović, Dodik Dario i šef JURA Rusmir Berberović koji je dao dodatno pojašnjenje u vezi određenih projekata.

Zaključena je rasprava i predsjedavajuća OV konstatuje uz **Zaključak da je Vijeće primilo k znanju**

Informaciju o provedenim aktivnostima u jačanju turističkih potencijala na području općine Vareš.

Ad.12.

(Informacija o ostvarenoj saradnji i realizovanim projektima NVO sektora sa područja općine Vareš sa posebnim osvrtom na rad udruženja iz oblasti kulture i sporta u 2020. godini.)

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su svoja mišljenja, prijedloge i pitanja iznijeli vijećnici: Nurdin Begović (predložio zaključak – „Općina Vareš će u narednom periodu, do stabilizacije budžeta, uplaćivati novac udruženjima samo kao vid sufinansiranja projekata koji su od koristi za Općinu Vareš. Također udruženja koja dobiju sredstva i ne dostave izvještaj o utrošku sredstava neće moći dobiti sredstva iz budžeta Općine“), Sahudina Beganović (uz dato pojašnjenje predložila je zaključak – „ Da se nacionalna udruženja koja baštine kulturu, tradiciju i običaj naroda koji žive na području općine Vareš, uvrste u budžet Općine Vareš i tako odvoje od drugih udruženja,“ - i da na javni poziv Općine Vareš sva udruženja mogu aplicirati), Igor Hinger, Sahudina Beganović (replika), Amela Brkić i Dodik Dario.

Općinski načelnik u svom obraćanju iznio je mišljenja o radu pojedinih udruženja i prijedlogu vijećnice Sahudine Beganović i sugerisao je, odnosno uputio prijedlog da udruženja aktivno rade, Općina nije krajnja granica, a ako mora bit će. Pokušavajte da pravite projekte, osigurajte sredstva, što ih više namaknete bit ćete i bolji a nama veća korist. Općina učestvuje na razne načine, Vi radite a za rad uvijek ima novca.

Predsjedavajuća OV je na osnovu prijedloga iznesenih u raspravi stavila na izjašnjavanje prijedlog Zaključka vijećnice Sahudine Beganović

Zaključak:

- **Da se nacionalna udruženja koja baštine kulturu, tradiciju i običaj naroda koji žive na području općine Vareš, uvrste u budžet Općine Vareš i tako odvoje od drugih udruženja.**

Nakon izjašnjavanja vijećnika predsjedavajuća OV konstatuje da sa **7 glasova „ZA“**, **1 glasom „PROTIV“** i **11 „SUZDRŽANIH“ glasova nije usvojen predloženi Zaključak.**

Nakon kraće diskusije o prijedlogu vijećnika Nurdina Begović predsjedavajuća OV stavila je na izjašnjavanje usuglašen prijedlog

Zaključka

- **Udruženja koja dobiju sredstva i ne dostave izvještaj o utrošku sredstava više neće moći dobiti sredstva iz budžeta Općine Vareš.**

Nakon izjašnjavanja vijećnika predsjedavajuća OV konstatuje da **je jednoglasno (sa 19 glasova „ZA“)** usvojen predloženi Zaključak.

Predsjedavajuća OV konstatuje uz **Zaključak da je Vijeće primilo k znanju**

Informaciju o ostvarenoj saradnji i realizovanim projektima NVO sektora sa područja općine Vareš sa posebnim osvrtom na rad udruženja iz oblasti kulture i sporta u 2020. godini.

Ad.13.

(Informacija o zimskog održavanju lokalnih i regionalnih puteva i gradskih ulica.)

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su svoja mišljenja, prijedloge i pitanja iznijeli vijećnici: Dario Dodik (predložio da *OV donese Zaključak kojim će se ulice za koje JKP d.o.o. Vareš kaže da nije u stanju da ih održava, osloboditi plaćanja naknade komunalne takse (stanovnici) do nabavke mašine kojom će se moći održavati takve ulice*, o istom je dao pojašnjenje), Nedžad Mušanović, Mahira Brkić i Općinski načelnik Zdravko Marošević (dao pojašnjenje u vezi kategorisanja puteva i njihovog održavanja i problemima u vezi istog. O prijedlogu vijećnika Dodik Daria izjavio je uz dato pojašnjenje da nadležna služba treba da vidi da li je to uopće moguće na takav način i šta će se proizvesti iza toga, a za nabavku mašine spreman je izdvojiti određena sredstva u dogovoru sa JKP).

Predsjedavajuća OV pozvala je vijećnika Dodik Daria da na osnovu diskusije Općinskog načelnika i pozitivnog mišljenja u vezi nabavke mašine, preformuliše predloženi zaključak.

Vijećnik Dario Dodik predložio je izmijenjen zaključak: *Da se obaveže Općinski načelnik da zajedno sa direktorom JKP d.o.o. Vareš nabave mašinu kojom će se održavati ulice koje se do sada ne održavaju. Ukoliko se ne nabavi mašina do sljedeće zime, općinsko vijeće će razmotriti mogućnost o oslobađanju plaćanja naknade.*

U daljnjoj raspravi su učestvovali: Mirnes Ajanović, Općinski načelnik Zdravko Marošević, Emir Islamović (uz dato pojašnjenje predložio da se mašina kupi i zaduži PVJ da održava/čisti određene ulice) i Dodik Dario.

Predsjedavajuća OV je na osnovu iznesenih prijedloga i diskusija predložila

Zaključak

- **Općinsko vijeće zadužuje načelnika Općine Vareš da u saradnji sa direktorom JKP d.o.o. Vareš izvrši nabavku manje mašine koja može čistiti ulice koje do sada nisu bile u potpunosti očišćene. Također, da se iznađe mogućnost radnika za upravljanje tom mašinom.**

Nakon izjašnjavanja vijećnika predsjedavajuća OV konstatuje da je **jednoglasno (sa 19 glasova „ZA“)** usvojen predloženi Zaključak i primljena k znanju

Informacija o zimskom održavanju lokalnih i regionalnih puteva i gradskih ulica.

Ad.14.

(Tekuća pitanja.)

Predsjedavajuća OV upoznala je prisutne sa pristiglom poštom:

1. Zahtjev za oslobađanje plaćanja komunalne i vatrogasne takse od 09.04.2021. godine, dostavljen od Mahmutović Derviša Stupni Do bb Vareš.

Predsjedavajuća OV upoznala je Vijeće i sa Izjašnjavanjem Općinskog načelnika u vezi navedenog Zahtjeva broj. 02-939/21 od 28.04.2021. godine. u kome je navedeno da je privremena odjava obrtničke djelatnosti gospodina Mahmutović derviša u toku i da je proslijeđena nadležnim službama, te će isti biti oslobođen plaćanja komunalne takse i naknade za osiguranje sredstava općinskog fonda za vatrogastvo za period privremene odjave djelatnosti.

2. Izvještaj Savjeta MZ Striježovo broj: 02/3-21 od 15.03.2021. godine i Očitovanje po istom od Službe za opću upravu, društvene djelatnosti i BiZ broj: 02/2-089/21 od 22.04.2021. godine.

U raspravi je učestvovao Općinski načelnik koji je iznio svoje mišljenje po Zahtjevu i podsjetio prisutne na zakonske procedure prilikom izbora predsjednika u mjesnim zajednicama.

Predsjedavajuća OV predložila je prijedlog Zaključka i stavila ga na izjašnjavanje.

- **Općinsko vijeće Vareš prihvata Očitovanje Službe za opću upravu, društvene djelatnosti i BiZ, broj: 02/2-089/21 od 22.04.2021. godine. Zadužuje se Služba za opću upravu, društvene djelatnosti i BiZ da Zaključak OV i Očitovanje dostavi predsjednika MZ i Savjetu MZ Striježovo.**

Nakon izjašnjavanja vijećnika predsjedavajuća OV konstatuje da je **jednoglasno (sa 19 glasova „ZA“)** usvojen predloženi Zaključak.

3. Zahtjev – Inicijativa za izuzeće/oslobađanje notara od plaćanja komunalne takse na istaknutu firmu, broj: 06-04/4-11-1390/21 od 13.04.2021. godine dostavljen od Ministarstva za pravosuđe i uprave Ze-do kantona i Očitovanje Općinskog Načelnika, broj: 02-939/21 od 28.04.2021. godine u kome je navedeno da će Služba za privredu, finansije i trezor u narednom periodu prikupiti mišljenja nadležnih institucija da li notari predstavljaju javnu službu te na temelju dostavljenih mišljenja

pripremiti eventualno potrebne izmjene Odluke o općinskim komunalnim taksama te o istom poznati Općinsko vijeće.

Dopis/Inicijativa Udruženja poslodavaca Vareš, broj i1/21 od 08.04. 2021. godine u kome se traži donošenje odluke kojom će se umanjiti plaćanje komunalne naknade za sve pravne osobe za 2021. godinu i odluke kojom će se osloboditi ili umanjiti plaćanje naknade zakupa javnih površina (ljetnih bašti) za 2021. godinu i Izjašnjavanje Službe za prostorno uređenje broj: 02/3-1277/21 od 29.04.2021. godine u kome je navedeno da je Općinsko vijeće na prijedlog Općinskog načelnika na 40. sjednici OV koja je održana 29.10.2020. godine oslobodilo plaćanja zakupnine i komunalne naknade za period od 2 mjeseca za obaveznike koji nisu obavljali djelatnost zbog proglašenja stanja nesreće uzrokovane koronavirusom. Zavisno od razvoja situacije i ove godine će se razmotriti mogućnost umanjenja obaveza iz općinske nadležnosti, zbog otežanog poslovanja uzrokovano Odlukama viših organa vlasti, te pripremiti odgovarajuća odluka za Vijeće u IV kvartalu kada će se raspolagati sa više podataka na osnovu kojih bi se moglo predložiti umanjenje.

Predsjedavajuća OV predložila je i stavila na izjašnjavanje **Prijedlog:**

- **Općinsko vijeće prihvata Izjašnjavanje nadležnih službi. Zadužuju se iste da upoznaju OV o daljnjim radnjama po ovoj tematici.**

Nakon izjašnjavanja vijećnika predsjedavajuća OV konstatuje da je **jednoglasno (sa 19 glasova „ZA“) usvojen prijedlog.**

4. Vijećnička Inicijativa za postavljanje kamera za video nadzor na području općine Vareš radi povećanja sigurnosti građana i bezbjednosti saobraćaja, kao i javnih gradskih površina, dostavljena od vijećnice Maje Berberović 15.04.2021. godine.

Predsjedavajuća OV je konstatovala da je vijećnica dobila očitovanje od Općinskog načelnika.

5. Zaključak Nadzornog odbora JKP d.o.o. Vareš, broj: 155-03/21 od 18.03.2021. godine u vezi Zaključka OV o davanju saglasnosti za dodjelu koncesije za istraživanje ruda na lokalitetu Saski Do i Dopis/odgovor Općinskog načelnika na dostavljeni Zaključak, broj. 02-876/21 od 16.04.2021. godine.

Predsjedavajuća OV je podsjetila prisutne da su o ovoj tematici nadležni dali pojašnjenje pod tačkom 6. dnevnog reda današnje sjednice.

6. Zahtjev za sanaciju oštećenog asfalta (rupe na asfaltu), broj: 80-04/21 od 18.04.2021. godine dostavljen od savjeta MZ Budoželje.

Predsjedavajuća OV dala je dodatno pojašnjenje u vezi ovog zahtjeva i na osnovu izjave pomoćnika načelnika za prostorno uređenje izjavila da će se sanaciji puta pristupiti za mjesec dana.

7. Dopis za inspekcijski nadzor u vezi odlaganja animalnog otpada, broj. 214-04/21 od 19.04.2021. godine dostavljen od JKP d.o.o. Vareš i Izjašnjavanje Službe za prostorno uređenje broj: 02/3-1277/21 od 29.04.2021. godine po istom.

Nakon rasprave u kojoj su učestvovali vijećnici: Igor Hinger, Mahira Brkić, Mirnes Ajanović, Općinski načelnik Zdravko Marošević i pomoćnik načelnika Ermin Musa, predsjedavajuća OV predložila i stavila na izjašnjavanje

Zaključak:

- **Općinsko vijeće zadužuje Službu za prostorno uređenje da naloži nadležnom komunalno-građevinskom inspektor i eko policajcu da izađu na lice mjesta po predstavi JKP d.o.o. Vareš, broj 214-04/21 od 19.04.2021. godine i da sačine Zapisnik sa lica mjesta koji će se dostaviti vijećnicima sa materijalom za 5. sjednicu OV.**

Nakon izjašnjavanja vijećnika predsjedavajuća OV konstatuje da je **jednoglasno (sa 19 glasova „ZA“)** usvojen predloženi Zaključak.

8. Odgovor ZZO ZDK –Upravni odbor, broj: 01-100-44-392/21 od 19.04.2021. godine na Zaključak OV broj: 01-75/21 od 31.03.2021. godine vezano za obustavu vraćanja pozajmice JU Dom zdravlja Vareš prema Zavodu zdravstvenog osiguranja ZDK.

Predsjedavajuća OV izjavila je da će pismenim putem tražiti od ministra zdravstva ZDK i direktora ZZO ZDK da usaglase termin održavanja sastanka u vezi ove problematike. O istom je dala pojašnjenje.

9. Dopis za sanaciju prilaznog puta prema groblju „Stogić“ Vareš, broj: 34/2021 od 26.04.2021. godine dostavljen od Župnog ureda Sv. Mihovila arkanđela Vareš.

Općinski načelnik Zdravko Marošević u svom obraćanju, uz dato pojašnjenje upoznao je Vijeće da je u Budžetu Općine Vareš, koji je donio Općinski načelnik planiran određen iznos za vjerske zajednice i da će u skladu sa mogućnosti realizovati zahtjev.

10. Vijećnica Maja Berberović predložila da Vijeće uputi Inicijativu za sanaciju regionalne ceste R 444 u naredne četiri godine Ministarstvu za prostorno uređenje, promet i komunikacije i zaštitu okoline Ze –do kantona.

Predsjedavajuća OV je izjavila da će se Inicijativa uputiti Kantonalnoj Direkciji za ceste putem nadležnog ministarstva.

Općinski načelnik u svom obraćanju upoznao je prisutne da je to već upućeno i da je zakazan sastanak sa ministrom po ovom pitanju. O istom je dao pojašnjenje.

U raspravi su učestvovali predsjedavajuća OV i vijećnik Emir Islamović.

Vijećnica Maja Berberović uz dato pojašnjenje uputila je prijedlog/inicijativu da se sva vijećnička pitanja i odgovori objavljuju na web stranici Općine Vareš.

Predsjedavajuća OV konstatovala je da će Služba isto razmotriti i na sljedećoj sjednici Kolegija OV o istom raspravljati.

11. Vijećnik Nurdin Begović upoznao je prisutne da je neformalnoj grupi građana odobren projekat u iznosu od oko 15. 000 KM za oslikavanje sivih oronulih zidova u gradu. Pozvao je sve koji imaju talenta i volju da se jave i učestvuju u realizaciji projekta.

Općinski načelnik skrenuo pažnju da prije oslikavanja zidova traže suglasnost od vlasnika objekta.

12. Vijećnik Dario Dodik uz dato pojašnjenje traži da mu se od strane Općinskog vijeća ili Općinskog načelnika odobri sanacija zida u ul. Zvijezda (naspram „Eastern

Mininga). Finansijska sredstva osigurao bi on sam od vijećničkog paušala. Predložio je da Općina Vareš ili JKP d.o.o. Vareš osigura nadzorni organ.

Općinski načelnik zahvalio se na prijedlogu i izjavio da je procedura u vezi ove predmeta završena i da je Općina Vareš odgovorna i nadležna za sanaciju zida, te da će se ista obaveza izvršiti u sklopu planiranih radnji u gradu.

Vijećnik Dario Dodik izjavio je da će isto predložiti kao tačku dnevnog reda za sljedeću sjednicu OV.

Predsjedavajuća OV pozvala je sve prisutne da minutom šutnje odaju počast preminuloj vijećnici u prošlom mandatu gosp Turki Fadili.

Predsjedavajuća OV u ime Općinskog vijeća, Općinskog načelnika i u svoje lično ime čestitala je svim vjernicima pravoslavne vjeroispovijedi predstojeći blagdan Vaskrs a vjernicima islamske vjeroispovijedi predstojeći blagdan Bajram.

Sastavni dio ovog Zapisnika je audio zapis sjednice.

Sjednica je završena u 18,42 sati.

S E K R E T A R

Leon Pavlović

ZAPISNIČAR

Azra Pijadžer

***PREDSJEDAVALA
OPĆINSKOG VIJEĆA***

Mahira Brkić